

# تورکيا بوپون ملت مجلسی

## ایکسجی اجتماع

تیشنجی اجتماع

مندرجات

اوراق وارده

چوروم مبعوثی فؤاد بک و فاتنک تبلیغی،  
وان ولايتنده ایکی ناحیه نك لغویله ایکی ناحیه تشکیننه دائر اولان لایحه قانونیه نك مذاکره سی ،  
قانون جزانک بالرضا فعل شنیع ماده سنک تعدیلنه دائر قره حصار مبعوثی شکر بک تکلیف قانونیسنک مذاکره سی ،  
اموال ایتم حقنده مذاکرات .

برنجی جلسه

رئیس : رئیس ثانی دو قور عدنان بک افندی

کاتب : ر اغ بک (کوتاهی)

۳ ایلول ۳۳۷ - ساعت ۳ - صکره

ایکسجی ماده سنده (بلا مساعده) قبول ایتشدک . بوراده  
سوه تفهمه میدان قلامق و ایلری ده خاکم لجه تفسیره  
مدار اولق اوزره تشریحی لازم اولان بر نقطه وارسه اوده بلا  
مساعده دن مقصد حکومت مرکزیه نك منافع عامه نامنه ویره جکی  
مساعده در . یوقسه بلدی لک سواقده کی بر طاقم چو جق لره  
بیانقو چکمک و چکسیدیر مک ایچون ویره جکی مساعده  
معناسنه دکل . طیبی مجلس عالی مساعده بی قبول ایدر کن  
مکتبلر و یامؤسسات اداره هائده شیلره مانع اولمه مق ایچون  
مؤسسات زراعیه نامنه، منفعت عمومیه نامنه بیانقو کشیده سی  
ایچون ویریه جک مساعده بی قبول ایتدی . یوقسه بلدی لره لک

رئیس — جلسه بی آچیوروم . بوکون سنه هجریه  
ابتداسیدر . جلسه بی دعا ایله آچه لم دیه آرقداشلر تکلیف  
ایدیورلر . (موافق صدالری) جلسه بی آچازدن اول  
بر دعا ایدلم .  
حاجی سلیمان افندی (ازمیت) — بر دعا قرائت  
بیوردیلر .  
رئیس — ضبط سابق او قونوجق (ضبط سابق  
خلاصه سی او قوندی)  
وهی بک (قره سی) — ضبط سابقده بر کره (عیناً)  
دنیلمش (عیناً) دکل ، تعدیلاً قبول ایدلشدر . قانونک



نژوہائی حصولہ کلمسی اوزرینہ تدایر مقصیہ عاجلہ ایفا  
قلمش و بونک اوزرینہ خستہ لق سیرطیبیعی تعقیب  
ایلیش ایسده مومی الہیک اوتہ دنبری مبتلا اولدینی التہاب  
کلیہ نتیجہ سی عدم تبول دولایسیلہ ضعف قلب حصولہ  
کلمش و مرض مذکور تأثیریلہ بوکون وفات ایتمش اولدینی  
مین مشترک راپوریز تنظیم قلدی .

پوزخادہ سیوریحصار اخذ عسکر قلمی صحیہ مدیری  
خستہ خانہ سی سرطیبی سرطیبی قائم مقام مراد  
قائم مقام نجیب بہجت

بلدیہ طیبی احمد رشدی  
حکومت طیبی محمد احسان  
تورکیا بیوک ملت مجلسی ریاستہ  
۲۲۱۰-۸۱۰

چوروم مبعوثی فؤادیک دوچار اولدینی خستہ لقدن  
رہایاب اولہ میہرق بوسباح اذانی ساعت بردہ وفات ایتمکله  
جنازہ سی احتفالات لایقہ و مراسم عسکر یہ ایله قالدیرلمش  
رزندہ موجود اوراق رسمیه برہیت معرفتیلہ اشیاسی  
آراسندن آنہرق آریجہ ظرفلرہ وضع و تمہیر ایتمش  
ویوستہ ایله در دست تقدیم بولمش و اشیاسی محکمہ شرعیہ جہ  
قید و تثبیت ایتمشدر . ہیئت صحیہ طرفندن ویریلن  
راپورہ عیناً بالایہ درج اولندی . مومی الہیک قیرشہرندہ  
بونوب تاغرافلہ طاب ایتمیکی ٹائلہ سیہ وفاتندن بر ساعت  
صکرہ کلشدر . آلدینی بر معاش مقدارندہ کی پارہ دن  
تداوی مصر فی تنزیل اولندقدن صکرہ ٹائلہ سنک پدیری  
زدینہ عزیزمنہ کافی پارہ سی قائلہ جفندن ممکن ایسہ ٹائلہ سنہ  
بر مقدار معاونت نقدیہ نک اعطاسی اسبابنک استکمالی  
معروضدر اقدم . ۳۱ - ۸ - ۳۷

یوزخاد متصرفی

ابراہیم

سری بک (ازمیت) - ٹائلہ سنہ تعزیہ یازلسون .

رئیس - اقدم ابو یلہ وفات ایدن آرقداشلر حقتدہ بر قاعدہ  
وار دیوان ریاستہ جہ اجرا ایڈیلور . و ہیئت علیہ یہ معلومات  
ویریاوردی . قبول بوپورورسہ کز بواز قداشکرک ٹائلہ سنہ  
معاونتدہ بولنہلم . ( های های سملری ) شمدی اقدم .  
آرقداشلر مزدن بریسی وفات ایتمشدر . علی الاصول مناسب  
کوروسہ کز بش دقیقه تنفس ایلم .

مجلسی بحاس ادارہ لک زیدہ ، عمرہ ویردیجکی مساعدہ  
قبول ایتمدی . ظن ایدرم ہیئت جلیلہ کز بوقطہ دہ  
متفقدر . ایلری دہ تفسیرہ مدار اولق اوزرہ اشوتسمر  
یحانتک ضبطہ یکمسی لازمدر . راست کذہ مساعدہ ایروب  
زید و عمرک اینہ برطابلہ ویروب پیانقوجیاق یایدیرہ ماز .  
موافقسہ ضبطہ او صورتلہ تصحیح ایلسون .

رئیس - - ضبط سابق حقتدہ سوز ایستہ یین واری؟  
( یوق صدالری ) او حالہ ضبط سابق خلاصہ سی تغدیلا  
قبول ایتمشدر .

ٹونہ لی حلمی بک ( بولی ) - مجلسک ۱۳۴۰  
سنہ ہجریہ سی اولق اعتباریلہ باش قوماندانلغہ واوردہ  
تبریک تلغرافنک چکیامسی تکلیف ایدیورم .

رئیس - اولور اقدم ! دیوان ریاستہ جہ تلغراف  
یازیلور .

تورکیا بیوک ملت مجلس ریاست جلیلہ سنہ  
تورکیا بیوک ملت مجلسنک اردو حقتدہ کی توجہ  
واعتمادی اردوہ تبلیغ ایتم . بوسلام واعتماددن متحمس  
ومنتدار اولان واک قدسز نفرندن قوماندانلرینہ قدر  
اک یوکسک عزم و ایمانہ محاربه ایدن اردونک استقلالازک  
مدافعہ سی اوغرندہ مقتضای ناموسی ایفا ایلمہ جکفی  
تأمین ایلم . ۱ - ۹ - ۳۷

تورکیا بیوک ملت مجلسی ریسی  
باش قوماندان  
مصطفی کمال

رئیس - اقدم مع التأسف آرقداشلر مزدن چوروم  
مبعوثی فؤاد بک چورومدن یوزخادہ کلمش واورادہ وفات  
ایتمشدر . صورت مرضنہ دائر متصرفلقدن بر تاغراف  
وار . آرزو ایدرسہ کز او قویالم .

راپور صورتی ۲۲۱۰-۸۱۰

آقرہ دن یوزخادہ ۱۱ آغستوس ۳۷ تاریخندہ کلن  
چوروم مبعوثی فؤاد بک مواصالتک ایکنجی کونی حرکت  
حمویہ ایلہ یاتمش و اطبای موجودہ طرفندن تداویسنہ شتاب  
ایتمش و بالآخرہ اجرا ایڈیلان مشاورہ طیبہ نتیجہ سی  
خستہ لغک حمای شبہ تیفو اولدینی اعراض سریرہ سبیلہ  
آکلاشلمش و خستہ لغک ازن ایکنجی کونی مزولاً



یتمشجی اجتماع - ایکنجی جلسہ

رئیس : رئیس ثانی عدنان بک افندی

کاتب : راغب بک (کونامیہ)

۲ ایلول ۳۷ - جمعہ اترسی - ساعت ۳،۳۰ صوکرہ

رئیس - جلسہ یی آچیور، افندم! بمض محملردن

کلن مظاہرت تلغرافلری واردر : (ماردین مدافعہ حقوق

ریاستندن ، چورومده مبعوث طورسون بکدن ، ترجان

بلدیہ ریاستندن ، ہسنی مدافعہ حقوق ریاستندن ، اردھان

متصرفلغندن ، آق طاغ معدنی مدافعہ حقوق ریاستندن ،

ایغدیر بلدیہ ریاستندن ، نوشہرہ مبعوث عطا بکدن ،

نوشہر مدافعہ حقوق ریاستندن ، بولی متصرفلغندن ، الشکرد

قائمقام ومفتیلکنندن ، قیرشہر مدافعہ حقوق ریاستندن ،

نارمان مدافعہ حقوق ریاستندن ، بشیری مدافعہ

حقوق و بلدیہ ریاستندن ، ارزنجان مفتیلکنندن و بلدیہ

ریاستی ایلہ عشائر رؤسائندن ، قیصریدہ تفتیشہ

مأمور . مظہرمفیدبکدن ) طبیی بونلرہ جراب یازیلیر .

افندم ! بوکونکی روزنامہ مزده مذاکرہسنہ قرار ویردیکنز

وان ولایتده ایی ناحیہ تشکیلی حقنہدہ کی قانون واردر .

مذاکرہسنہ باشلابورز :

مادہ ۱ - وان ولایتہ ملحق کواش قضاسی داخانده

(قارقار) ووان مرکز قضاسنہ مربوط (اوردک) ناحیہلری

لغو ایدیله رک ارجیش قضاسی داخانده (ذیلان ددهسی)

و (صاری صو) نامیلہ مجدد ایی ناحیہ تشکیل ایدلشدر .

مادہ ۲ - اشبو قانون تاریخ تبلیغندن اعتباراً

صرعیدر .

مادہ ۳ - اشبو قانونک اجرای احکامنہ داخلہ

وکالتی مأذوندر .

رئیس - برنجی مادہ حقنہدہ سوزایستہ بن وارعی؟

(خایر صدالری) برنجی مادہ یی قبول ایدنر لطفاً ال

قالدیرسون : (قبول ایدلشدر)

شکری بک (قرہ حصار صاحب) - افندم! تاریخ

نشرندن اولسی لازمکابر .

رئیس - بو قانونک اوریہ تبلیغنی یلدیرسیور .

شکری بک (قرہ حصار صاحب) - خایر افندم!

اورادہ تاریخ نشرندن ...

رئیس - ایکنجی مادہ نک تاریخ نشرندن صورتیلہ

تصحیحی تکلیف ایدیلبور . او صورتلہ تصحیحی قبول

ایدنر لطفاً ال قالدیرسون . (قبول ایدلشدر)

مادہ ۲ - اشبو قانون تاریخ نشرندن اعتباراً صرعیدر .

ایکنجی مادہ یی تصحیحاً قبول ییور انر لطفاً ال قالدیر -

سون : (قبول ایدلشدر)

مادہ ۳ - اشبو قانونک اجرای احکامنہ داخلہ

وکالتی مأذوندر . (داخلہ وکیلی مأموردر دیہ تصحیح

ایدلسون سسلری)

مادہ ۳ - اشبو قانونک اجرای احکامنہ داخلہ

وکیلی مأموردر . اوچنجی مادہ یی بوشکلده قبول ییور انر

لطفاً ال قالدیرسون : (قبول ایدلشدر)

رئیس - افندم! قانونک ہیئت عمومیہ سنی رأی

عالیکنزہ وضع ایدیبورم ، قانونک ہیئت عمومیہ سنی قبول

ایدنر لطفاً ال قالدیرسون : (قبول ایدلشدر)

افندم! قانون جزانک بالرضا فعل شنیع حقنہدہ کی

مادہ سنک تعدیلہ دائر بر تکلیف وار وپوکا ٹانڈ لایجہ

انجمنک مضبوطی وار .

لایجہ انجمنی مضبوطی

بالرضا ایقاع ایدیلمن فعل شنیع زندان دولای مدعی

عمومیلرک حقوق عمومیہ نامنہ تعقیب دعواده بونلرینہ

دائر قرہ حصار صاحب مبعوثی محمد شکری بکک ۱۳

مابس ۳۳۷ تاریخکی تکلیف قانونیسی مطالعہ و تدقیق

اولندی . بالرضا وقوعبولان فعل مذکوردن دولای اقامہ

وتعقیب دعوی قانوناً ولی ویاخود زوجک حقیدر . بو

خصوصده مدعی عمومیلرہده بر حق صلاحیت ویرلدیکی

تقدیرده بر طاقم ارباب ناموس و حیثیتک تشہیر و تزیل

مقصودیلہ ارباب توریرک فک واسنادلرینہ معروض قالمہلری

وشو صورتلہ تلافیسی غیر قابل برطاقم مضراتک تحدثنہ

سببیت ویرلمش اولسی محتملدر . بناء علیہ احکام قانونیہ

ابلہ قابل تألیف و موافق حال وزمان اولمان تکلیف



مذکور انجمن مزجہ شایان مذاکرہ کو روہلیہ رک دایدلشد۔  
 کتاب مضبطہ محرومی لایحہ انجمنی رئیس نامہ  
 ارطغرل یوزغاد یوزغاد  
 نجیب سلیمان سلیمان  
 مار دین اسپارطہ  
 مدحت حاجی طاہر

[ موافق صدر الری ]

شکری بک (قرہ حصار صاحب) - آکلا شیلیمق  
 ایچون تکلیف او قونسون بردفعہ .  
 بویوک ملت مجنسی ریاست جلیلہ سنہ  
 اسباب موجبہ

قانون جزا مزک ( ۲۰۱ ) نجی مادہ سنک ۲۲ - مایس  
 ۳۳۷ - تاریخلی ذیلی بالرضا واقع اولہ جق زنائی زوج  
 و ولینک شکایتہ تملیقاً تعقیبات اجراسیلہ تجزیہ سی  
 امر ایتمک زانی و زانیہ لہ بر زمین کشایش براقدمہ در .  
 بو حال احکام شرعیہ مزہ مخالف اولدینی کبی مصلحتہ  
 و منافع ملک و ملتہدہ مغایردر . چونکہ: زنا حقوق  
 غیرہ و اخلاق عمومیہ تجاوز و اختلاط دم و ضیاع نسلہ  
 و علل افرنجیہ تک توسع تخریبانہ سببدر . بو اعتبارلہ  
 زنا جرمی حقوق عمومیہ دن اولدینہ شہہ یوقدر .  
 بناء علیہ حقوق عمومیہ جرائمک تعقیبی ایسہ قواعد  
 قانونیہ مز انجانبجہ حقوق عمومیہ مأمورلری اولان  
 مدعی عمومیہ ماؤددر . سالف الذکر اسبابہ بناء مذکور  
 ذیلک بروجہ آتی صورتدہ تعدیلنی تکلیف ایلم :

ذیل - خانہ ، خان ، اوتل ، حمام ، باغ و باغچہ کبی  
 قبالی و آچیق محللردہ بالرضا فعل شنیع و زنائی ارتکاب  
 ایدنلر بر سنہدن اوچ سنہیہ قدر حبس اولتور . خانہ سنی  
 زنا ایچون برسنہ ترک ایدن و بو طرفیندن برینک  
 دوست و محبی اواسہ بیله زانی جزایی کورور .  
 خان ، حمام ، اوتل ، باغ و باغچہ کبی یرلردہ زانیہ مساعده  
 ایدن دخی زانی جزاسیلہ مجازات اولتور . بو بابدہ قبولہ  
 شایان اولہ بیله جک دلائل فعل مذکور ایجرا حالندہ و یا خود  
 برمسلمانک حریمندہ بولتمقلقدن و یا خود کندنی طرفین

یازلمش اولان مکاتب و اورا قدن استنباط اولنور .  
 آفیون قرہ حصار مبعوثی  
 محمدشکری

یحیی غالب بک ( قیرشہر ) - کرخانہ لر قاقمقورمی ؛  
 شکری بک ( قرہ حصار ) - کندیلکندن قالدیورہ .  
 کرخانہ قالدیورکہ ؛ بولایحہ قانونیہ تک لایحہ انجمنی طرفیندن رد  
 ایدلمسی غایت قیصہ ، دار برچارچیوہ ایچندہ دوشونمسندن  
 ایلری کلشدر . موضوع : قانون جزا مزک ۲۰۱ نجی مادہ سنک  
 الیوم مرعی اولان ذیلانی نظر دقتہ آلمشدر . بندہ کز  
 اومادہ ؛ احتیاجات عامہ یہ کافی کلدیکندن تعدیلنی  
 یستہ یورم . یوقسہ اساساً اومادہدہ بویله بر مجلسدہ پایلہ مش  
 و وضع ایدلمش بر مادہ در . مجلسلردائماً حقوق عامہ یی  
 نظر دقتہ آلہرق اوکا تأثیر ایدن و اونی سقوٹہ سورکلہ یں  
 اسبابی ازالہ ایتمکہ مکلفدر . کیسہ انکار ایدہ مزکہ ؛  
 زنا جرمی مملکتتمیزی فنا حالدہ تخریب ایتمکہ در . افتدیلر  
 بندہ کز بر قاچ دورلو وقمہ یہ شاهد اولدم . بندہ کر عدلیہ جی  
 اولق صفتیلہ تصادف ایتمدیکم آجی حقیقتدن ملہم  
 اولہرق بونکلیفی یایدم . برعائله ایچندہ ہرہانکی برسیلہ  
 بریسی بویله بر فعل قبیحی ارتکاب ایدیور . ولیمی دعوا  
 ایتمک ایستیور . فقط ذات الزوج اولدینی ایچون زوجی  
 عسکر دہ بولتمسی حسیلہ اوکا ایصال خبر ایدوب معلومات اعلا  
 ایتمک امکانی بولتمدینی ایچون و یا محلی غیر معلوم بولندینی ایچون  
 دعوا تعقیب ایدیلہ میہرک او عائلہ او صورتلہ فنا بر وادی یہ و فنا بر  
 یولہ کیدیور . اخلاق سزلفہ سور و کلہ نیور . چونکہ حقوق  
 عمومیہ مأمور سنک قانون جزا مزک الیوم موجود اولان  
 ذیل موجبجہ اقامہ دعوا یہ ، تعقیب دعوا یہ حق اولیور .  
 ولیدہ بولندینی حالہ ذات الزوج ایسہ ولینکدہ اقامہ  
 دعوا یہ حق یوقدر . آنجق زوجنک دعوا یہ حق وارددر .  
 افتدیلر ! تکلیفم شونی قطعی اولہرق افادہ ایتمشدر .  
 زنا دوغریدن دوغری یہ شخصی بر جرم دکلددر . مضرات  
 اجتماعیہ یی غیر قابل انکاردر . ساری خستہ نقل ، انسانی  
 محو ایدیور . اخلاق عمومیہ یی اخلال ایدیور .  
 سوکرہ بردہ ضیاع دمہ سببت ویریور .



ایدرم که: خصوصاً شویله بر زمانده بونی حقیقه بارگاه الهی به قارشی بر وسیله استرحام عد ایدرک قبول ایدهلم. بونکله شوفالغک اوکنی آلهلم. بنده کزک آرزوسی بودر .

وهی بک (قره سی) — افندم! احکام جلیله اسلامیة بالطبع بزک دنیوی و اخروی سعادت می کاندرد . بونده شک و شبهه یوقدر . بالخاصه زنا کبی ، بز م اک چوق بو صیره ده محتاج اولدیغمز و بوندن صوکرده عصر لرجه ده محتاج اوله جغمز نفوس مسئله نی ضرب له یین بر فعل قیسی منع ایتمک شبهه سز لازمدر . آناطولنک اک زیاده ؛ زراعتدن ، تجارتدن ، ثروتدن ، صنایعدن زیاره نفوسه احتیاجی واردر و بونی بزه تأمین ایدن هر وسیله به توسل ایتمک ، بالخاصه مشروع صورتده اولاد وطن یتشمدیرمک بزم ایچون بروجبه در . بالخاصه آناطولنک کوبکنده تأسس ایتمش اولان بر مجلس آناطولنک روحانیله تألیف حرکت ایتمک مجبوردر . وظیفه سیدر . اونده شک شبهه یوقدر . فقط زنا یی منع ایده جکز دیه تجسس احواله علی الاطلاق میدان بیراقتی دوغری دکلدرد . فلان خانم شویله یاپیور ، فلان خانم شویله در . دیدیرتیرک بلکه زانیلرک آینه بر قوت ویرمش اولورزه . لیکن علی العمیا رد ایدرسه ک عسکرده ، غریبده هر هانکی بر صورتده قائب اولان بر آدمک حقوقی تعقیب ایتمک قانون جزا منرا مکان بر اقبور . بوده طوغری دکلدر . طبیعی بو تکلیف بر تکلیف قانونی اولمق اعتباریله تماماً تدقیق ایتمک و دیگر تکلیف قانونی ایله توحید ایتمک اوزره عدلیه انجمنه کونده بریز . بونی اوراده اطرافیه دوشونورلر و اوندن صوکره قابلیت تطبیقیه سی اولان و شرع شریفک احکامیله ، تورکلکک منافعی تمامیله محافظه ایده جک بر لایحه قانونیه احضار ایدرلر . اووقت مذاکره ایدرز .

رئیس — افندم! بر تکلیف قانونی ده وار . عینی مسئله به متعلقدر . رأی طایکزه وضع ای بیورم . ایکیسنک بردن عدلیه انجمنه حواله سی قبول بیورانلر لطفاً لرینی قالدیرسون : ( قبول ایدلدی ) اورمان مأمور لرینک مجالس ادار به اعضا اولمیرینه

بواعتبارله ده هر زمانده هر برده زنا ایچون آغیر جزا ترتیب ایدلشدرد . اسکی تاریخله باقه جق اولورسوق هندستانده ، روماده ، ایرانده ، یونانلیلر ده آغیر جزا ترتیب ایدلشدرد . حتی بعض برلرده ارککلرک آلات تناسلیه سی کسيلمک و بعض برلرده قادیلرک یورونلری کسيلمک کبی آغیر جزا ویراشدرد . بوکون ایچون ایسه شو مسئله نک حق تعقیبی مدعی عمومیلره ویره رک بو ایشک اوکنه کچمک بزم ایچون فرض عیندر . بونک ایچون بنده کز بونک نظر دفته آلهرق عدلیه انجمنه حواله ایدلمسی تکلیف ایلرم .

وهی افندی (قونیه) — افندم! دیگر بر لایحه قانونیه وار . اوده بوکا متعلقدر . بناء علیه اونکله برابر عدلیه انجمنه کیتیمسی رجا ایدرم .

حاجی فوزی افندی (ارزنجان) — بر حدیث شریفده ( ترک ذرته من محارم الا توازی عمل الثمین ) بیور و لمشدرد . هرزما اولدینی کبی بویله بر زمانده ده عون باری بی ، نصرت الهی بی تمی ایچون دعا و عبادتدن ، مناجاتدن ده سا بیوک ومؤثر اولان شی محارم الیه دن برینی ترک ایتمکدر .

شرع شریفده مواقع متعدده فحش تعیر اولنان فعل شنیع منع ایدیلر . شرع شریفک مادی ، معنوی نیجه حکمتلری واردر . فحش اولا منابع موحدین اولان ارحامی تلویح ایدن برشیدر . انسانی قطعه سیدیت ورن بویله بر فطک اهمیتله نظر اعتباره آلمیهرق مسامحه اولمسی احکام الهیه به تمسک زائل اولونجه حاضر اولان عدونک اوزریمزه مسلط اولسنه دائرواقع اولان تهدیدات الهیه به ، تهدیدات شرعیه به بزى هدف ایدر . بویله آچیقدن آچینه فحشیات اولوبده آکا قارشی سکون عمومی عمومه ابتلائی داعی در ، جابدر دیم یورم که : هیچ بر زمان کناء اولماز . فقط آرالرنده داغلقدر فرق واردر . هر کس جزاسنی نفسنده کورمسی باشقه ، عمومه راح اولسی باشقه در . اویله ایسه بز کوروب سکوت ایتمیم . آره مزه داخل اولسنه مساعده ایتمیم . بز بونی منع ایدهلم و بونی منع ایتمکله شو زمانده ، شو صوره ده استجلاب بر رحمت الهی ایدهلم . بنده کزده شکری بک تکلیفی وجهله استرحام ایدرم . رجا



ایدلشد. هیئت تمیزیه نك بر تفسیری ایله کسورات مسئله سی وارد - بنده گز هیئت جلیله کزدن رجا ایدیورم که - بونلرک مذاکره لری آیری آیری اولمقدنسه هیسبی بریده بر تدقیق ایدلم. شمدیلک بونی تأخیر ایدلم. اوکلدیکی زمان برلشدیرر مذاکره ایدرز افندم.

رئیس - بوقانونک مذاکره سنک تأخیری قبول ایدیلورمی افندم؟ قبول ایدنلر لطفاً اللریخی قالدیرسون: (قبول ایدلشد.)

قونیه ولایتک ارغید خان ناحیه سنک لغویله چکیل ناحیه سی تشکیلی حقنده داخله انجمنی مضیطه سی

وهی بک (قره سی) - عجبا بز بویله حالا نواحی تشکیلاتیله می مشغول اوله جغز؟ بوقسه اساسلی تشکیلاتیله اوغراشمه یه جقمی بز؟ حکومت هب بویله امر واقعلر یادر مق صورتیله می دوام ایده جکدر؟

رئیس - اصول مذاکره یه دائر برشی بویله جکم. آرزو ایدسه کز بونی باشقه برکونه تأخیر ایدلم. ویاخود دیگر جلسیه تعلیق ایدلم. وداخلیه دن مأمور بولندیره لم. خلوصی بک (قره حصار صاحب) - داخلیه دن مأمور بولندیر مق ینه ضمناً قبول ایتمک دیمکدر. آرتق مأمور چاغرمق طوغریمدر؟ (خایر سسلری)

رئیس - بونک آرقه سنده یحیالو ناحیه سنک دوه لو قضاسنه ربطی حقنده بر تکلیف وارد اوده عینی شکاده در. ینه مأمور کلدیکنده بونی ده اونکله مذاکره ایدرز. محاکم شرعیه حقنده کی قانونی آرزو ایدر سه کز او چنجی جلسیه مذاکره ایدلم. افندم! بش دقیقه نفس ایتمک اوزره جلسیه سی تعامیل ایدیورم.

دائر بر لایحه قانونیه وار اقتصاد وکیللی بک افندی بولایحه قانونیه نك اعاده سی تکلیف ایدیورلر. اعاده سی قبول ایدنلر لطفاً آل قالدیرسون: (قبول ایدلشد) منع مسکرات قانوننک ایکنجی ماده سنک تعدیانه دائر قانون.

ماده ۱ - منع مسکرات قانوننک ایکنجی ماده سی بوجه زیر تعدیل ایدلشد: مسکرات اعمال و ادخال ونقل و فروخت ایدنلردن مسکراتک بهر قیه سی ایچون الهی لیرا جزای نقدی اخذ و کسورات تام قیه اعتبار ایدیاور. و آله ایدیلن مسکرات امحا اولنور.

ماده ۲ - اشبو قانون تاریخ نشرندن اعتباراً صرعی الاجرا اولوب اجرای احکامنه داخله و عدلیه وکیللری مأموردرلر.

بر مبعوث بک - تعدیل تکلیفی یابان کیمدر؟  
رئیس - حکومت ....

رفیق شوکت بک (عدلیه وکیللی) - بو تکلیف بر آراسی بر تکلیفدر. بو تکلیف ایله برابر ایکی ماده مدها وارد. او ماده لری سزه عرض ایدیم: جزای نقدی ویر میانلرک جزالری نك بهر ربع ایرامی مقابلنده بر کون حبس ایدیله جکلرینه دائر بر ماده وارد. کچن کون - مثلاً - غزته لرده اوقسودیکبز. ملاحظیه بر آدم قرق بیک لیرایه محکوم ایدلدی. بو آدم برسنه یانارسه قور تولمش اوله جقدر. چونکه بو جزای نقدیدن متولد حبسلر قانوناً برسنه دن فضله اولماز. قرق بیک لیرا ایچون یوز آلتش بیک کون یا تمسی لازم کلیر. حالبوکه بوکاده امکان یوقدر. کرک بو مسکرات مسئله سی، کرک بو جزای تقدیلرک حبس تحویلی حقنده درت ماده دن مرکب بر تکلیف قانونیز وارد. ذاتاً همان، همان ثبیت





یتشیحی اجتماع - اوچنجی جلسہ

رئیس : رئیس ثانی دوكتور عدنان بك افندی

کاتب : راغب بك (کوناہیہ)

۳ - ایلول - ۳۳۷ - جمعہ اترتی - ساعت ۴:۳۰ صکرہ

رئیس - جلسہ بی آچیورم . ارکلی کور حوضہ سندہ مستخدم عملہ حقندہ طونہ لی حلمی بکک تقریر بی لایحہ انجمنی شایان مذاکرہ کورمش و ہیئت علیہ کز جہدہ عدلیہ انجمنہ حوالہ ایدلمش ایدی . شمدی عدلیہ انجمنی مضبطہ بی او قویہ جغز :

عدلیہ انجمنی مضبطہ سی

ارکلی کور حوضہ سندہ مستخدم عملہ نک بعض خصوص حقندہ کی دعورینک مفتش طرفندن وکالہ اقامہ و تعقیب ایدلسی لزومنه دائر بولی مبعوثی حلمی بک طرفندن معطی تقریر انجمنزہ تودیع اولنگلہ تدقیق و مطالعہ اولندی .

تقریر مندرجاتی عدلیہ و داخلیہ و کاتلرندن تمی شکندہ ویرلمش برکونا تکلیف قانونی بی احتوا ایتہ مکدہ بولنمش اولنگلہ انجمنزہ تدقیق ایدیلہ جک بر جہت کوریلہ مد یکندن ہیئت عمومیہ بی اعادہ سی تنسیب قلندی .

کاتب : مضبطہ محرری

کنگری : سینوب

نشئت : شوکت

اعضا : اعضا

قونیہ : نیکدہ

رفیق : حلمی

طونہ لی حلمی بک (بولی) - افندم لطفاً اقتصاد وکالتہ حوالہ بیورلسون .

رئیس - افندم انجمنده اونی ایستور . اقتصاد وکالتہ حوالہ سی قبول ایدنلر لطفاً اللرینی قالدیرسون : ( قبول ایدلمشدر . )

افندم ! محاکم شرعیہ واسطہ سیلہ تحریر اولنان ترکرلر حقندہ آنقرہ مبعوثی حاجی طاطف افندی طرفندن ویرلمش بر تکلیف قانونی وار اوکا دائر عدلیہ انجمنی مضبطہ سی :

عدلیہ انجمنی مضبطہ سی

محکمہ شرعیہ معرفتیلہ تحریر اولنان ترکه اثمانسک زراعت بانکلرینہ تسایم اولنہرق نتیجہ سی خصوصہ متدائر اولان آنقرہ مبعوثی حاجی طاطف افندی و رفقاسسک ۳ شباط ۳۷ تاریخی تکلیف قانونی لری انجمنز جہدہ عدلیہ و کلی حضوریلہ تدقیق و مطالعہ اولندی . ایوم موجود و مرعی اولان ایتام نظامنامہ سندہ حقوق ایتمی ممکن اولدینی قدر محافظہ بی کافی احکام موجود اولنگلہ تکلیف زافع شایان قبول کوریلہ مدیکندن ردی اکثریتلہ تنسیب اولنہرق برای تصدیق ہیئت عمومیہ بی تودیع قلندور .

کاتب : مضبطہ محرری

کنگری : سینوب

نشآت : شوکت

اعضا : اعضا

مخائف : نیکدہ

حق حامی : حلمی

یحیی غالب بک ( قیرشهر ) - بر چوق احکام وار فقط بویله براحکام یوقدر .

( تکلیف او قونسون سسلری )

رئیس - مضبطہ بی اعتراض یوق سوز ایستہ بن وارمی ؟ رفیق شوکت بک ( صاروخان ) - افندم شرعیہ انجمنسک دہ مضبطہ سی واردر .

رئیس - اونیدہ او قویہ لم .

شرعیہ انجمنی مضبطہ سی

محکمہ شرعیہ معرفتیلہ تحریر اولنان ترکرلر ایچون اولجہ مقید اولان نظامنامہ اشبو تقریر ایله تکلیف اولنان لایحہ قانونیہ محتویاتی کاملاً موجود اولوب اساساً نظامنامہ ایله اداره ایدلمکدہ بولنان بوکبی خصوصاتی بر قانون ایله اداره ایتیمکدہ لزوم کوریلہ مدیکندن و آنجق مباحث عنہ نظامنامہ ممانہ قائم اولوق اوزره ہیئت وکیلہ جہ تنظیم قلنان نظامنامہ نک رفعیلہ بوندن اولکی نظامنامہ نک تطبیقیلہ مقصد حاصل ارلہ جفی عدلیہ وکالتلجہ دہ ایضاح ایدلمسہ بناء خصوص مذکورک نظر دقتہ آلمسی ضمنده اشبو تقریرک



هیئت و کلبه به تودییی تنسیب اولنه هیئت عمومی به عرض  
و تقدیمه قرار ویرلدی . شرعیه انجمنی رئیس

وهی

وهی بك ( قره سی ) — افدم! بزم مملکتده هدر  
اولان نروقلردن بریده ایتم صدوقلرنده کی ایتم مایدر .  
نصل که اوقاف شوک بونک النده ما کل اولمشدر . بویله  
مملکتده ال نافع اولسی لازم کلن و اساساً بو مقصد  
خیر ایله میدان کتیریلن و ققلر نصل محو اولمقده  
ایسه بر آدمک صوک دمنده و صوک نفسنده  
یاورولرینه بر اقدینی بش اون غروشده بش اون کشنک  
النده محو و هدر اولمشدر . بنده کن حیرت ایدیورم که:  
عدلیه و شرعیه انجمنی ، موجود نظامنامه بو ایتمک  
حقوقی کافل ایتمش دیورلر . عیجا بوکا شاهد اوله رق  
مملکتک کرک المزده بولسان اتسامنده و کرک المزده  
بولنیوب اشغال ایدیان اقسامنده یتیملرک حقنی تأمین  
ایدلبکنی کورن بر کیسه کوستره بیلیمی ؟ بزم بوراده  
آرایه جغمز هیچ اولمازسه بر آدمک صوک نفسنده اولادینه  
براقش اولدینی باره نک تمامندن واز کچدک اصافی محافظه  
ایدم . حالبوکه حاجی عاطف افدینک تکلیفی هم اصافی  
محافظه ایدیور همده سالم بر اصوله افراغ ایدرک نماده  
تأمین ایدیور . بوندن باشقه اوله رق سفیلرینه ، مسرفلرینه  
باره تأمین ایتمکی دکل ، اصل مملکتک مستحصلی اولان  
چقتجیرینه باره تأمین دو شونیور که ، بوندن دها کوزل  
بر تکلیف یا ایلامشدر . بناء علیه بونی رد ایتمک دکل آقیشترله  
مجلس عالی قبول ایتملی در . رجای دیورم بویله یتیملرک حقوقی  
صیانت ایدیجی بر قانونی طبع ابدل کدن صوکره ایلمک جلسه ده  
مذاکره ایدوب قبول ایتمک و درام ایتمکده اولان ضررک  
بران اول اوکنه کچیلرک یتیملرک حقوقی تحت کفاله  
و تحت تأمینه آلمق لازمدر . شرعیه انجمنی عدلیه و کیلی  
بک افدینک اقدانسه عطفاً دیورلر که : نظامنامه ایله کوربان  
قانون ایله کورلر .

رفیق شوکت بک ( عدلیه و کیلی ) — بن دیمورم .  
وهی بک ( دوامله ) — بوده شایان حیرتدر .  
افدیلر! زراعت بائقه سی آرزوق عقلی باشنده اولانلرک

بائقه سی در . یعنی مکلفینک بائقه سی در . قانون ایله اداره  
ایدیلیورده کندیسنه مالک اولیان یتیملرک مالی نظامنامه  
ایله و یا خود تعایات ایله اداره ایدلمسنه مجلس عالی بک بر  
انجمن شرعی سی قرار ویریور . شایان حیرتدر ! بناء  
علیه بنده کن تکلیف ایدیورم . بو خواجه افدینک  
تکلیفی کله جک جلسه ده — ذاتاً بو کوچک بر شیدر — طبع  
ایتدیرلم . مستسخ ایله ده طبع ایدیلمر . مذاکره ایدلم .  
علی سروری افندی ( قره حصار شرقی ) — وهی بک  
طلب ایتدیکی وجهله طبی لازم کایدیکی کبی تعلق حسیلله  
اقتصاد انجمنده حواله سی لازم کلر . ( تعلق یوقدر

سلسری )

جلال بک ( اقتصاد و کیلی ) — بنده کرده اقتصاد  
انجمنه کیتمنی تکلیف ایدن آرقداشمزک نقطه نظری  
مدافسه ایتمک ایچون کرسی به کلام . زراعت بائقه سی  
مملکتمزک اقتصادی و مالی مؤسسه سیدر . وبالطبع مملکتده کی  
ایتمک حقوقی محافظه ایتمک نه قدر محترم و مقدس  
بروظیفه ایسه بائقه نکده بووظیفه بی نه شکلده ایفایده چکنی  
تثیت ایتمک اقتضایدر . بوراده لایحه قانونیه کوردم .  
علی الاطلاق دینلور که : بوزراعت بائقه سی بویاره لری  
آله حق ، تمیه ایدر جکدر . بونک شکلی واردر . افدیلر!  
زراعت بائقه سنک بوخصوصه کی وظیفه سنه بر ایکی کله  
علاوه ایتمک صورتیله اوکا بر استقامت ویرمش اوله بیلیرز .  
بوچوق نقصاندر . بنده کن دها چوق اول آرز ایدرم که :  
بوشرعیه انجمنه کیدر کن عدلیه انجمنده موضوع بحث  
و مذاکره اولنور کن زراعت بائقه سیله دوغریدن دوغری به  
اشغال ایدنلر ده قیمت و اهمیت ویریلرک دعوت ایدیلسون .  
بو یا ایلامشدر افندم . مأموری مسئولی بنده کرم بالطبع  
بالعموم انجمنلر ده بولنق ، کورمک ، آکلامق و اثبات  
وجود ایتمک امکانی ده یوقدر . قبول ایدیکنر که بنده کن بونی  
شکایت شکلنده سو بیلورم . هر حاله هر هانتکی بر  
و کالتک تعلق اعتباریله اورته به آتیلان لایحه قانونیه ده  
بیان مطالعه ایتمسک فائده لی اوله جنی انکار ایدیله میه جک  
بر حقیقتدر . اما قبول ایدیلمر ، اما ایدلمز . بو اعتبارله  
بنده کن بو تکلیفک اساسی هیئت جلیله قبول ایتدیکی



تقدیرده بو تکلیفک اقتصاد وکالتنه اساس اعتباریله تعلق اوله جغنی ادعا ایدیورم . وقف پاره لرینی ، ایتمه عائد اولان پاره لری محافظه ایتمک هپمز ایچون بر بورجدر . وبنده کز بونی یالکز ایتمک حقوقی محافظه ایتمک فیکریله شایان مذاکره کورمیورم . مملکتک اقتصادیاننه یایه جینی حسن تأثیر اعتباریله ده فوق الماده موافق بولیورم . بیلدیورسکیز که افندیلر تنظیماتک اعلانندن اول مملکتسزده حاجا نشکل ایتمش اولان اصناف جمعیتلرینک ووقفلرک منتظم صندوقلری واردی . واونلر زمانک احتیاجنه کورم بر اعیان مؤسسسی ایدی . بونلر اقراض مؤسسسی اولق اعتباریله غایت کوزل ، غایت مرغوب وهر زمان ایچون بو کوزلاکنی محافظه ایده بیله جک اصول و اعتبارلری واردی . واونلر اصناف اراسنده صمیمی بر تساند و اخوت وجوده کتیردی . بونلر بیقیلمقله برابر هر برده کوربیوروز که اووقف پاره لرده برطاقم مسرفلرک بداحتراضنده قالمق صورتیله هدر اولمشلردر . بنده کز بروسسینی طنائیق اعتباریله بوتی مثال اوله رق عرض ایدیورم : بروسسده ارفق قشک تقودموقوفنک موجودی اوتوز بیگ ایرایی متجازدی و صوک زمانلرده بو اوج بیگ ایرایی بیله طر تامیور و اونکده برچوق قسمنک تحسبلی مشکوک رحالده ایدی . هر حالده وقف پاره لر ماضییده مملکتک اقتصادیاننه چوق یازدییم ایتمشلردر . بوکا شهه یوقدر . بونی بیلدیوروز بونی آلمق لازمدر . فقط هیئت محترمه کز ایتم پاره لرینک تمیه ایدلسنی ، حساباتنک منتظم طوئلسنی ، زراعت بانقهنه تودیم ایدلسنی اساس اعتباریله قبول ایدیورسسه لطفاً اقتصاد انجمننه کوندریکز ، اوراده نه صورتله معامله ایدیله جکنی تعیین وثیت ایدلم .

رفیق شوکت بک (عدلیه وکیل) — افندم هیچ شهه سز که اک اساسلی بر پاره دن بحث ایدیوروز . بالخاصه محتاج صیانت وحمایه اولدلرک صفت وصایتی حسن استعمال ایتمک موضوع بحث اوفدیغنه کوره بو ایشک اهمیتله تدقیق لازمدر . بو تکلیف قانونینک مذاکره سنده ، بنده کز عدلیه انجمننده بولوندم . مختلف نقاط نظری تماطی ایدلدی .

شونقظه ده اتفاق ایندک : وهی بک بکنمدیکی نظامنامه دیگر قوانینمز کی منتظم یالمشدر . اونظامنامه ده دیگر قانونلر کی این استعمال ایده جک واین تطبیق ایده جک اللره دوشمه مشدر . حتی اونظامنامه برچوق قانونلر مزدن مضبوطدر و دنیلدیکی کی حقوق ایتمک مر کز اجتماعی اولان ایتم صندوقلرندن وقوعه کلن معاملات غایت صاعلام اساسله مر بو طدر . فقط بزده اداره ایتمه مک ، تعقیب ایتمه مک ، یتیم حقنی آراماق خسته لنی در که برطاقم اختلاسره سببیت ویریورم . بوکا مقابل زراعت بانقلری بر زمانلر بر امرله موجود ایتم صندوقلری پاره سنی ایشدی . و حالا ویرمدی ، ویرمیور . بنده کز وکالت کلدیکمک بیلیم قاچنجی کونی ایدی ، کیره سونده بر معامله جریان ایتدی . بر آدمجک یکریمی بیگ لیرای ، اون بش بیگ لیرای بیلیم خاطر مده قالمش ، بانقیه ویرمش پاره لر استانبوله کوندرمش چونکه : زراعت بانقهنه کتیدیکی آدن اعتباراً کل اولیور طویدن کوندرمشلر . شیمدی آدمجغز دییورک : بن اثبات رشد ایتدم حقمی ویرک . او مناسبتله تعقیبات یایدم زراعت بانقهنی مدیریت عمومیهنک بر تخریرات عمومیهنندن بحث ایتدیله . دییورلرک : ایتم مدیریندن مرکز جلب ایدیلن پاره لر اوقاف نظارتنک زراعت بانقهنسندن استعراض ایتدیکی پاره یه مقابلدنر . بناء علیه بز بونلری محله اعاده ایده میز دییور . حالبوکه اثبات رشد ایدن بر آدم استانبول بانقهنسنگ اتخا ایتمش اولدینی بویله بر قراره اطاعتله مکلفمیدر ؟ او یقیم ( امانت پاره م وارد ویریکز ) دیمکده حقنی آرامقده حققدیر . بونکله برابر بو بر عارضه در . هیچ شهه سزدر که ایتم پاره سی بانقیه اسام ایدلسکله برابر معاملات تنظیم ایدیله جکدر . فقط بوکا مقابل بر شی یایلمیدر . زراعت بانقهنی کندیسی آتش اولدینی پاره لره یوزده ایکیمی ، درتمی ، نه قانض ویریور ؟ بز حالبوکه بو شکله ادانات یوزده طقوزله اون ایکی آره سنده بولندینی ایچون ( طقوز صدالری ) اون ایکی به قدر جائزدر . بو صورتله یتیمک ده اچوق منفعتی وارد دنیلدی . ونهایت اساسلی بر فکر اولق اوزره زراعت بانقهنسنگ سرمایه سنی کجه جک



اولان پاره لرك هېسنگ برلشديرهوك يالكز بر اوقاف  
 باقهي تشكيل ايدلسي الك اساسي بر فكر اوله رق قبول  
 ايدلسي . فقط بو كونا بك بويوك و اساسي مالي بر  
 مسئلهني مذاكره ايتمه طبعيله نه اختصاصمزه نه وضعيتمزه  
 نده سائر كونا حول مساعد اولديغندن دولاي ؛  
 دنيلدي كه : بونلرك هېسي مطالعه و له رق قاسون .  
 ايتام مسئلهسي اساسي صورتده مذاكره ايتك ايجون  
 مناسبتي بكلييه لم . اويركه : ايتام ايشلرنده اده كي نظامنامه نك  
 حسن تطبيقه چاليشم و بنده كزده صلاحيتدار اولمق  
 صفتيله ايتام ايشلريله ده اساسي ، ده اجدي بر صورتده  
 چالشه مني انجمنه وعد ايتدم . اونك اوزرينه يكي ، يكي  
 اصوللر احداث ايتمكدن ايسه شمديلك بوني براقلم دنيلدي .  
 ايشته اونك ايجون كرى قالمشدر . بنده كز ظن ايدرم كه  
 عدليه انجمنك رد جوابي بوندن نشست ايتشدر . اويله  
 دكيدر مصطفي افندي ؟ او حالده مسئله هيئت عليه كزه  
 مجولدر .

لطفي بك (ملاطيه) — اقتصاد انجمنك بر  
 مطالعه مني آلام .

وهي بك (قره سي) — افندم ياكلش : حركت ياكلش  
 نتيجه اده ايتديرر . زراعت باقهي سندن پاره نك اولجه  
 بر امرله آلمسي ايتام صندوقي حسابنه معامله كورمك  
 اوزره آلمشدر . تكليف بويله دكلدر . اكر زراعت  
 باقهي ايتام صنديني حسابنه يالكز صندوقكارلق پابه جق  
 اولورسه نتيجه بويله چيجه جقدز . حالبوكه بو تكليفي ،  
 اقتصاد وكيلى بك افندي ايضاح بيوردلر . امانت صورتيله  
 آله جقدر . امانتي هيج بروقت سوء استعمال ايتمه جقدر .  
 ( ايتامك پاره مني قوللانير سسارلي ) يوق اويله دكل بو :  
 وارد دكلدر . ايتام باقهي سته امانت اوله رق بر آدم فصل  
 پاره براقيرسه ايتامك آله جق پاره مني ده بو صورتله امانت  
 آله جق و قيد ايديله جقدر . واوكا آريجه جزدان و يريله  
 جقدر . بناء عليه رفيق شوكت بكك اولجه اولديغندن  
 بحث ايتديهي معامله ك اولمق احتمالي بوقدر . نه وقت  
 زراعت باقهي مني اماناتي عامه انكار ايدمك اولورسه  
 او وقت ايتامك پاره مني ده انكار ايتمك احتمالي واردكه :

عبدالله افندي (لطيفانلي) — افندم! اقتصاد وكيلى  
 بك افندي نك بيوردقاري كهي باقهي بو پاره و يرلديكي  
 تقديره امانت صورتيله و يرلمش اولور . امانت صورتيله  
 و يرلمش اولان پاره طبيعي دركه بر حساب جاري شكلكنده  
 اولور . هر حالده بونك اقتصاد انجمنه كيتيمي دوغريدر .  
 وهي بكك ادعالي بكك وارددر . چونكه : معلوم عاليكز  
 زيد بن باقهي بر پاره براقير . او پاره يا حساب جاري  
 اولور . و يا خود وعد ملي اولور . برده طبيعي زراعت  
 باقهي او يتيمك نام و حسابنه چاليشمايه جقدر . طبيعي  
 بو خصوصات بر نظامنامه ايله تعين ايدر .



اوندن سوکره مملکتکز اقتصادياتی یوکستمک ايشته بورز . بايکيز بزم مملکت ، اطه پازاری ، اثبات رشد ايتشدر . ايکی دانه باقه واردر . بری امنیت باقه سی ، بری اسلام تجارت باقه سی ... کلسونده بر مأمور اوراده برشی یا بسون باقلم . قطياً یا پاماز . چونکه مملکتتمک اهالیسی اثبات رشد ايتشدر . شمدي بزم مملکت مزده بویله بر باقه اولدینی کبی بتون اصافلر بو باقه لر دن ایشلرینی کورورلر . زراعت باقه سندن فائده کوره بیلرلمی ؟ کوره مزلر . مملکتک اقتصادياتنه خدمت ایده جکز دیورسکز ، ناصل ایده جکسکز ، ناصل باهه جکسکز ؟

وهی بک ( قره سی ) - زراعت باقه سی قانونی دکیشدیره جکز ، او باقه ...

عبدالله افندی ( دوامله ) - حق الانصاف دوشونلم ، زراعت باقه سندن کی بوپاره کیمکدر ؟ اوزواللی ملنکدر . حکومت بوکا معاونت ايتشمیدر ؟ .. خاییر .. اوزواللی مدت کلیر هفتک لرحه اوغراشیر پاره آلهماز .. بوده دوغری ییندر ؟ .. زراعت باقه سی نظامنامه سی بشیوز دفعه دکیشدیره سنک یینه اولماز .. اصل ایش ، جماعت اسلامیه تشکیلاتی یا بیلدی کز می ؟ ايشته اوزمان فائده ویرر ..

بصری بک ( قره سی ) - افندیلر! المزده انی کوتیه موجود . دياتی ، هويت اصلیه سی محافظه ایدن براق شیشمز وار .. ایتم وار قافده بو قیلندردر . زراعت باقه لرینک طرز و غایه تشکلی ايله ایتم صندوقلرینک طرز و غایه تشکلی متناسب و بربرینه موافق دکلدر . او باشقه ، دیگر ی باشقه در . آرلرنده هیچ برعلاقه و مناسبت یوقدر . اکر ایتم دائره لرنده دینلدیکی کبی سوء استعمالر ، اداره سنزلکلر وارسه بو دائرلری بیقیمهلم ، اصلاح ایدلم .. اکر زراعت باقه لرنده تصور ایدیلن انتظام وارسه - که بونی قبول ایده میورم - بو انتظام زراعت باقه لرینک تشکیلاتنده کی انتظام سایه سنده در . ییقلماق براق شیشمز قالدی . ییقمق قولای ، فقط یا بمق کوچدر . بوکون ایتم دائره لرنده موجود اداره سنزلک سوء استعمالات یا لکنز ایتم دائره لرنده کل بوتون دائره لرنده موجوددر . فقط ایتم دائره سنده انتظام سنزلق اداره سنزلک اولسه بیله شمدي به قدر ایتم پاره لرینه هیچ بر طرفدن

بنده کز نه عرایه وکیلنک نه ده اقتصاد وکیلنک - وبلدکلرینه قطعاً طرفدار دکلم . اسبابی نه در ؟ معلوم طایک زراعت باقه سنه ملنک ویرمش اولدینی میاوندلرله پاره بوق ، بونی انکار ایتیه ییکز . بوکون زراعت باقه لر ی پاره بولنمایه جق . برحاله کلش . سلطان عبدالحمید زماننده آلمش ، فلان وقده آلمش ؛ آلمش آلمش ... بورابه ده بر حکومتجک کیرمشدر . بریره حکومت آلتی صدوقدیمی اوراده پاره قالماز . ضرورت کوردکجه آیر ، آیر والسلام ولا الضالین آمین بیتر بو ...

وهی بک ( قره سی ) - استانبول حکومتی ده آلمش ..

عبدالله افندی ( دوامله ) - اوت استانبول حکومتی ده آلمش ..

شمدي کللم محکمه شرعیه ده ایتم مدیرلرینه بیکلرله بیلیرزکه ایتمک مالنی چوق یمیش فقط صوران اولماشدر . برایشه حکومت کیردیمی عزیزم ، ارقداشلق مسئله سی ده ایشه کیرر . مثلاً بک افندی پاره آله جق . فلان افندی کفیل اولسون . اولماز ؛ اولماز ویرمه ییکز . . اکر زراعت باقه سنک حال وشانی اوزره حرکت ایده جک ايسه ک قطعاً بو مملکته فائده ایتمز . زراعت باقه سنک پاره سی زراعت مخصوصدر . باشقه کیمسه اورادن پاره آلهماز . مثلاً معتبراندن ایکی کشی کوستریلر وپاره آلتیر زراعت باقه سنده بو اولور . بوندن بر فائده حاصل اولورمی ؟ . اولماز . بز اکر جماعت اسلامیه تشکیلاتی یا یوپده انزه بوپارلری آله زق احتیاج صاحب لرینی نمون ایده بیلورمیز ؟ مسئله بوراده در . نه زراعت باقه سنده در نه ده باشقه شیده در .

وهی بک ( قره سی ) - زراعت باقه سنه ایتم پاره سی ویرلدکن سوکره ایکی امضا ايله پاره آله جفته قانع میسیکز ؟ ..

عبدالله افندی ( دوامله ) - اوکا جسواب ویریم . زراعت باقه سی جفته امضا ايله پاره ویرمدیکی حالده معاونتی یا لکنز چفتجی به منحصر قاله جقدر . چفتجی ايسه زراعت باقه سندن پاره آلتی ایچون کله جک ، برهفته اکلنه جک و آلدینی پاره بی حمامه ، قهوه یه ، یره جک ، کیده جک ... ( او باشقه صدلری )



مداخله ایدلمه مش و ایتم باره لری محافظه موجودیت ایتمشدر .  
 حالبوکه زراعت بانقه لری بویله دکلدر . بانقه و طر چیق دینی  
 زمان بیلور سرسکز که : زراعت بانقه لر نده بولان آلتون باره لری  
 اوراقه تحویل ایدلمشدر . ایتمده ووقف صندوق لر نده  
 زراعت بانقه لرینه اولان قدر تجاوزده بولنا ما مشدر .  
 چونکه : اوقاف باره سی ، ایتم باره سی جماعت اسلامیه نیک  
 باره سیدر ؛ جماعت اسلامیه و ایتمه مخصوصدر . زراعت  
 بانقه لری کی عمومی ماهیته دکلدر . بویله زراعت بانقه سی  
 کندی باره سی محافظه ایدمه عرسه الهلیق طانمش ، صاحبسز  
 طانمش ، بو باره لری بوسبوتون کیدر و قورقارم که بو باره لری  
 بوسبوتون محو اولور . و اراده حقیق ایتمده ابطال  
 ایدلمش اولور . صوکره افندیلر ! ایتمده هر کون ویریلن  
 نققه کی ، حصه کی برطاق معاملات ده وارد و قورقارم که  
 افندیلر ایلمک یا بلم دیرکن کوتولک یا بلمش اوله جغز . ایتم  
 صندوق لرینی و بونی بر نمونه انخا ذ ابدرک و قفلری  
 و سائر دینی بیقه جغز و صوکره نادم اوله جغز . اپی  
 دوشونه لم ..

عبدالله افندی ( آطه پازاری ) - بر شی سویایه حکم :  
 زراعت بانقه سی هیچ بر فردک باره سی محو ایتمز . بو  
 وارد دکلدر ، بو دوشرو بر سوز دکلدر . زراعت  
 بانقه سی غایت دوشرو بر مؤسسه در .  
 علی رضا افندی ( آماسیه ) - ۳۳۲ تاریخندن  
 اعتباراً بانقه هر طرفده ایتم مال لرینک آلتون لرینی و اوراق

نقدیه سی آلمشدر و اطاده ایدمه مشدر .  
 رئیس - افندی مذاکره نیک کفایتی تکلیف  
 ایدیورلر .

علی سروری افندی ( قره حصار شرقی ) - افندی  
 اصوله دائر بر تکلیف رار :

اقتصاد انجمنه حواله سی اولندی ...

رئیس - افندی ! مذاکره نیک کفایتی قبول ایدنلر  
 لطفاً اللرینی قالدیرسونلر : ( قبول ایدلمشدر )

جلال بک ( اقتصاد وکیل ) - اکر اساس  
 اعتباریله هیئت جلیله کنز ایتم باره لرینک اداره سی  
 زراعت بانقه لرینه تودیعی موافق بولورسه  
 و بونی قبول ایدیورسه او وقت اقتصاد انجمنه کیتیمی لازمدر .

رئیس - اوت ! مجلسک رأیله او جهت تعیین ایدمه حکمدر .  
 مجلس عالی رأی اظهاریتمش اوله جنددر . تقریرده دیور که :

اموال ایتم حقنده کی لایحه قانونیه نیک اقتصاد انجمنه  
 حواله سی تکلیف ایدرم دیور . بو تکلیفی قبول ایدنلر  
 لطفاً اللرینی قالدیرسونلر : افندی ! قبول ایتمه یئنر اللرینی

قالدیرسونلر : ( قبول ایدلمه مشدر ) او حواله افندی  
 و شرعیه انجمنلرینک مضبوط لرینی قبول ایدنلر لطفاً اللرینی

قالدیرسونلر : ( قبول ایدلمشدر )  
 رئیس - بازار ایرتسی کونی ایکنیده اجتماع ایدلمک  
 اوزره جلسه بی تعطیل ایدیورم .

- ۵۱۵ - صکرده اجتماعه نهایت ویرله ی .

